



Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 165. Laurentii Justiniani Patriarchæ Veneti obitus

[urn:nbn:de:hbz:466:1-66507](#)

tur, & qualiter Christus Dominus dicatur Sæcul. XV.
A.C. 1455.
leo, Agnus, serpens, & Aquila; opuscu-
lum de SS. Trinitate, aliud in hæc Isaiæ
verba: *Ecce Virgo concipiet, item contra
Clericos concubinarios, tractatum de statu
animatorum post mortem, & alium de opti-
ma populū regendi ratione, quem de o-
ptima Politia inscribit.* Cuncta ista ope-
ra tredecim tomis in forma majori typis
impressa habentur; inter illa autem, quæ
perierunt, præcipua sunt, plures de Ju-
risprudentia tractatus, alias *In præf.*
de Conciliis Generalibus, item impugnato- *oper. Tost.*
rium contra errores Alcorani, Sermones
nonnulli, denique, Commentarius in librum
Chronicorum Eusebii, quem tamen pa-
trio sermone scripsisse dicitur.

Ibid.

§. CLXV.

*Laurentii Justiniani Patriarchæ
Veneti obitus.*

Funesta Ecclesiæ erant Anni millesimi Ann. 1455.
quadringentesimi quinquagesimi quin-
ti auspicia; in his enim primarium illius
lumen Laurentius Justinianus Venetorum
Patriarcha defecit, qui pari, qua vixit,
sanctitate die octava Januarii humanis
rebus ereptus est, annos natus septuagin- Palmar. in
ta tres, sexque menses. In vita erat Chronic.
prophetiae dono illustris, post mortem ve-
ro plurimorum miraculorum testimonio

E e 4 sancti-

Sæcul. XV. sanctitas ejus comprobata est. Ad mortis suæ nuntium tanta fidelium ex omni

A.C. 1455. Natione confluentum frequentia adfuit, ut publicæ venerationi corpus ejus per aliquot dies exponere, necesse fuerit: Cum vero de sacri cadaveris sepultura contendarent Canonici Ecclesiæ Patriarchalis cum Monachis S. Georgii, apud quos sepulturam elegerat, durante hac lite, corpus ejus in Ecclesiæ sacrario solidos sexaginta septem dies expositum mansit, nullum tamen corruptionis vestigium per tantum temporis intervallum apparuit. Canonici pro se allegabant facros Canones, quibus statuitur, ut Prælati in propriis sepeliantur Ecclesiis, Religiosi econtra S. Georgii opponebant ultimam sancti Viri voluntatem, quam sancte servandam ajebant. Vicerunt Canonici, & sacrum Corpus in Ecclesia Patriarchali die decima sexta Martii sepulturæ traditum est.

§. CLXVI.

Justinianus a Clemente VII. Beatorum fastis adscriptus.

Officiis, ac exequiarum honoribus debite persolutis sepulcrum ejus non minus, quam diuturna corporis ejus expositio miraculis gloria exstitit. Sixtus IV. Papa acta de illo in Beatorum numerum referendo instrui, eaque Leo X,

&

*Baillet. vit.
sanct. ad
5. Sept.*